



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1624. usque ad annum 1627

**Fleury, Claude**

**August. Vind. [u.a.], 1778**

**VD18 90118863**

§. 63. Breda a Marchione Spinola capta.

---

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Sæc. XVII. quod Valtelina solis Catholicis relicta,  
A. C. 1625. Calvinistæ inde recederent.

## §. LXIII.

*Breda a Marchione Spinola capta.*

*Siege de  
Breda Her-  
man. Hug.  
pag. 160.  
Gramond.  
Hist. Gall.  
lib. 14.  
Lotich. ver.  
Germ. l. 14.  
cap. 5.*

Jamjam obsidio Bredanæ urbis quar-  
tum Menssem tenuit, cum Spinola  
immisso in urbem tubicine deditioem  
fieri postulasset; compertum enim ha-  
bebat, quod præsiariis nil nisi panis  
falque suppeteret: nihilominus Urbis  
Gubernator Justinus Nassovius Gallici,  
Anglique subsidii fiducia tumidus re-  
gessit, nimis præmaturum esse hoc pe-  
titum, expectandum potius Menssem  
Junium anni sequentis. Opportune an-  
tem Spinola Henrici Arausionensis Prin-  
cipis literas interceperat, in quibus hic  
Justino significabat: „quod sibi sat com-  
pertum haberet, obsessis annonam  
„sensim deficere, quocirca mature cum  
„hoste pacisci studeret, ne intempti-  
„va urbem tuendi pertinacia occasio-  
„nem, tempusque perderet, & tan-  
„dem deditioem sibi & Ordinibus Fæ-  
„deratis ignominiosam facere cogere-  
„tur: acceptis igitur hisce literis media  
„nocte tot ignes in alta turri accede-  
„ret, quot diebus adhuc annona pro-  
„visus esset.„ Has literas Spinola per  
eundem nuntium, qui auro corruptus,  
eas



easdem Marchioni detulerat, ad Bre- Sæc. XVII.  
danos deferri curabat, hi vero concu- A.C. 1625.  
bia nocte, undecim accenderant ignes,  
ex quo signo Spinola, obsessis commea-  
tum ad undecim dies sufficere cogno-  
verat, igitur tertia post die Comitem  
Bergensem, qui Henrici copias opitu-  
latum accurrentes paulo ante fuderat,  
iussit, ut Justinum Governatorem ad  
deditionem provocaret, eo autem re-  
ponente, quod ex literis triduo ante  
receptis urbi subsidium esse proximum  
accepisset, si vero Spinola aliter esset  
instructus, id Governatori insinuare  
haud gravaretur. Accepto hoc respon-  
so Spinola per Comitem Bergensem  
transcriptas Henrici literas Justino  
transmisit. Hic igitur, cum inde fu-  
nestam urbis suæ conditionem Hispanis  
fat cognitam esse intelligeret, aliunde  
vero præsidarii novem Mensium obsi-  
dione necnon fame & peste absumpti  
rarescerent, sub honestis conditionibus  
urbem, quam incassum Galli, Angli,  
& Batavi propugnaverant, dedere sta-  
tuit; datis igitur utrinque obsidibus  
die trigesima prima Maij de deditionis  
legibus actum, nec cunctanter a gene-  
roso Marchione Spinola omnes, quos  
obsessi petierant, articuli fuere concessi;  
cum autem Calvinistæ insuper liberum  
suæ sectæ exercitium, necnon mortuos



Sæc. XVII. in Ecclesiæ cæmeterio sepeliendi fa-  
 A. C. 1625. cultatem urgerent, utrumque eis de-  
 negatum ac die secunda Junii conven-  
 tum est, ut Præsidiarii quidem omnes  
 cum sarcinis armisque, & quatuor belli  
 tormentis, mortariisque duobus exce-  
 derent, Prædicantes tamen hæretici  
 statim urbe ejicerentur: ceteri vero Cal-  
 vinistæ biennio in urbe tolerarentur,  
 quin circa eorum sectam molestari, vel  
 ad eam ejurandam compelli possent,  
 dummodo quiete & absque offensione  
 vivant: elapso autem biennio aut urbe  
 excederent, aut ad fidem Catholicam  
 redirent, sique nonnulli Calvinistæ post  
 suum excessum ad veram Ecclesiam re-  
 versi fuerint, absque ulteriori venia  
 suas ædes in urbe repetere possent:  
 Calvinistæ denique intra hoc biduum  
 decessuri, in quodam honesto loco, aut  
 horto intra vel extra urbem sepeliren-  
 tur. Hisce, aliisque pactis mutuo con-  
 sensu firmatis, quinta Junii die præsi-  
 diarii urbe excefferunt, Marchio  
 autem Spinola, ne quis illos vel verbo  
 offenderet, severe inhibuit, ipsumque  
 Governatorem, ceterosque Tribunos  
 insolita humanitate veneratus, singulari  
 modestia ac moderatione congratulan-  
 tium vota excepit, prosperum expu-  
 gnatæ urbis successum in assiduos cu-  
 juslibet militis labores fidemque resun-  
 dens.

*Newwill. hist.*  
*d'Holl. t. 2.*  
*cap. 1.*



dens. Ipsa vero Isabella Belgii Gubernatrix die decima Junii urbem ingressa, pro solita sua pietate festivos ignes ceterasque communis lætitiæ pompas differri præcepit, donec Cardinalis Alphonsus de la Cueva Hispani Regis Orator Deo solemnes rependisset gratias: peracta autem re Divina mox Isabella totam perlustrabat Ecclesiam, expertura, an non fors Calviniana rabies adhuc quædam veræ Religionis monumenta intacta reliquisset: Verum in quorundam sepulcris nonnisi vestigia locorum, ubi antea sacræ statuæ erant repositæ, reperit, egregia plane specimina Calvinianæ pietatis erga defunctos Majores suos! Integra adhuc visebantur mausolea Engelberti II. Nassovii Comitis, necnon Engelberti I. & Joannis ex eadem stirpe Comitum, a quorum tamen postremo avulsa erat imago Beatissimæ Virginis; cum enim nova quædam Sibilla, & si Superis placeat, hujus ævi Prophetissa, Henrici Boxhorinckii Prædicantis uxor sexto Mense post Bredæ obsidionem vaticinata esset, urbem ab hoste certissime expugnatum iri, nisi præfata Beatæ Virginis imago hætenus integra confringeretur, Magistratus mendacis hujus mulierculæ Vaticinio credulitatem suam addicens, statuam comminuit, quamvis

Sæc. XVII.  
A. C. 1625.



Sæc. XVII vis ea contrafacta, urbem suam non sine  
 A. C. 1625. magna sui confusione victoribus cedere  
 compulsus esset: unde incertum, an  
 acriori reprehensione dignus fuerit Ma-  
 gistratus, eoquod adeo excæcatus,  
 tamque stupidus annili effætæ hujus  
 mulierculæ deliramento fidem habue-  
 rit, vel magis detestanda sit temeraria  
 impudentia procacissimæ hujus Anus  
 quæ fanaticum sectæ suæ furorem in-  
 citare ausa erat ad evertendum antiquæ  
 Religionis monumentum, quod Natio  
 vienses Principes honori Matris Dei  
 dicarunt, ac perenne pietatis suæ mo-  
 numentum posteris relicturi, suis Se-  
 pulcris affigi curarunt. Verum nulla  
 res efficacius fanaticos Sectatores re-  
 git, quam superstitio; hi enim alioqui  
 pertinaces, & increduli, ubi vana Re-  
 ligione capiuntur, promptius, vati-  
 dicæ mulierculæ, quam sanæ rationis  
 imperio parent. Postmodum Isabella  
 veræ Religionis studio incitata Eccle-  
 sias ab hæreticis eversas restaurari,  
 novas suis sumptibus extrui, ac Reli-  
 giosorum Monasteria erigi præcepit,  
 & Magistratum Religionem Catholicam  
 institui iussit: Porro totam rei gestæ  
 seriem Cardinalis de la Cueva Romanus  
 ad Urbanum VIII. Pontificem perscri-  
 psit, qui etiam die nona Augusti ad  
 illum rescribens, sana ejusdem confi-  
 lia,



lia, labores, & fidei studium impense Sæc. XVII.  
 commendabat, eique hanc gloriam Ro- A. C. 1625.  
 mana Purpura dignam gratulabatur.                       
 Pariter idem Pontifex eodem die lite-  
 ras gaudio & amplissima laude uberri-  
 mas ad Isabellam Principem Regiam,  
 & ad Marchionem Spinolam dedit.

## §. LXIV.

*Victoria Brasiliiana Hispanorum con-  
tra Batavos Calvinistas.*

Anni prioris die nona Maij Jacobus Theatr. En-  
 Willekesius Batavæ classis Archi- rop. p. 840.  
 talassus, postquam portum omnium San- Brachel.  
 storum in America interceperat, ex Hist. 1. 2.  
 censione facta oppidum Sancti Salva- Newill. Hist.  
 toris armata vi occupavit, relictis ubi- d' Holl, t. 2.  
 que Calvinianæ crudelitatis vestigiis;  
 quippe urbis Gubernatorem, & Jesui-  
 tarum Brasilianorum Provincialem ca-  
 ptos in Hollandiam abstrahi, necnon  
 undecima Martii die hujus anni auream  
 Beatæ Virginis, atque argenteas duo-  
 decim Apostolorum statuas cunctasque  
 sacras imagines ex Ecclesiis & Mona-  
 steriis sacrilega manu inter blasphemias,  
 & ludibria auferri, & unacum opima  
 mercium præda ad Batavos transmitti  
 jussit, profanatisque Catholicorum Ec-  
 clesiis Calviniano ritu ibidem solem-  
 nem Deo gratulationem indixit. Tan-  
 dem